

Date – 15/11/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Tlangmite chenna thingtlang khua tih hmasawanna tur ruahmanna, DHARTI AABA JAANJATIYA GRAM UTKARSH ABHIYAN chu tukin khan hawn a ni.
2. Prime Minister Narendra Modi-a'n vawiina Eklavya Model Residential School (EMRS) a hawn thar zingah Mizorama EMRS pahnih a tel ve.
3. Jiribam Manipur a CRPF-te'n an thah ni a sawi an khaw vengtu mi 10-te ruang chu niminah post-mortem zawh tawh ni mah se, vawiin thlengin an chhungte hlawmtir a la ni lo.
4. Prime Minister Narendra Modi-a'n cheng vbch 6,600 chuang hu, hmasawanna hna hrang hrang thawhna tur lung, Bihar-ah a phum.

<><><>

PM DAJ-GUA

Tlangmite chenna thingtlang khua tih hmasawanna tur ruahmanna, DHARTI AABA JAANJATIYA GRAM UTKARSH ABHIYAN chu tukin khan hawn a ni.

Prime Minister Narendra Modi hawn tak PM DAJ-GUA hi Social Welfare & Tribal Affairs bultumin, Chief Secretary Pu H. Lalengmawia chuan a hawng a. Pu H. Lalengmawia chuan hmasawanna rualkhai siam turin sorkar laipuiin thingtlang khua a ngai pawimawh tih a sawi a, ruahmanna awmsa engemaw zah chak leh zual a kalpuina tur a tih a nih avangin state, district leh block level-a sorkar a mawhphurna neite inkarah thawhhona leh tanrualna tha neih a pawimawh thu a sawi. Chief Secretary chuan he ruahmanna hi a nihna tur tak a hman a nih theih na'n leh hlawhtling tak a kalpui a nih theih na'n kawng hrang hranga mawhphurna changtute'n uluk tak a zirchiang turin a chah a. Mizoram tana hmasawanna tuantling thlentun hmanraw tangkai a hmang turin kalkhawmte a fuih bawk a ni.

PM DAJ-GUA Scheme hi kum 5 chung kalpui tur a ruahman niin India ram a thingtlang khua 63,843 tuam tur a duan a ni a. Mizoramah khua 383 a tuam tel ve dawn a, ruahmanna kalpui na'n hian ram pumah cheng vaibelchhe 79,156 ruahman a nih thu tarlan a ni. Hmasawanna kalpui tur a huam hrang hrang zingah hmasawanna ruangam thar bun te, thingtlang khawsak dinhmun chawikante, zirna leh mipui hriselna tih hmasawn te a tel a ni.

Lunglei district-ah chuan Social Welfare & Tribal Affairs minister Pi Lalrinpuii'n PM DAJ-GUA hi a hawng a. Hmasawanna ruhrel thar din leh siam chhuah lam aiin a tlabal lai thawm that chu PM DAJ-GUA-in a tum a nih thu sawiin, Lunglei District bikah khaw 48 thlan chhuah a nih thu leh he'ng khaw thlan chhuah atang hian khaw 6-ah chuan PMAAGY kal tlangin hma lak tan a nih tawh thu a sawi.

PM DAJ-GUA hi Mizoram district hmunpui danghte pawh hawna hun hman a ni.

<><><>

PNEUMONIA

Naupang kum 5 hnuai lam pneumonia avanga nunna chan hi ram pum ngaihtuahin Mizoramah a tam hle a, za zela 19 a tling a ni.

Reproductive and Child Health (RCH) state nodal officer Dr. Lily Chhakchhuak chuan rampuma pneumonia avanga naupang kum 5 hnuai lam thi hi za zela 17 point 5 a nih lai-in Mizoramah chuan za zela 19 a nih avangin titem turin tan lak a ngai nasa hle a ni a ti. Tun hnai a Social Awareness and Action to Neutralise Pneumonia Successfully (SAANS) bul tanna a an sawi danin naupang kum 5 hnuai lam suattu tam ber chu pneumonia natna a nih thu sawi a ni a. Thawhlehi khan World Pneumonia Day-ah SAANS hi hawn tan a ni a, nakum February ni 28 khian khar a ni a. SAANS-in a tum ber chu nakumah chuan naupiang sangkhat zela 3 nunna hum a ni a. Tih hlawhtlin harsa tak tura lang ni mah se, tihpuitlin theih loh chu a nih loh thu an sawi a ni.

SAANS hian nau piang hlim thla ruk an tlin hma a nu hnute tha taka an hnek leh thla 6 hnu a chaw tha an ei a ngai pawimawh hle a. Chu bakah nausen uluk taka enkawl a, pneumonia an vei leh vei loh en thlithlai reng a, a hun taka enkawl chu ngaih pawimawh tur a nih thu an sawi a ni.

<><><>

PM-EMRS

Prime Minister Narendra Modi-a'n vawiina Eklavya Model Residential School (EMRS) a hawn thar zingah Mizorama EMRS pahnih - EMRS Bilkhawthlir (Bilkhawthlir RD Block, Kolasib District) leh EMRS Noahtlah (Siaha RD Block, Siaha District) te a tel.

Hei bakah hian sak belh turah EMRS panga - Lungsen (Lungsen RD Block, Lunglei District), Khawbung (Khawbung RD Block, Champhai District), Khawzawl (Khawzawl RD Block, Khawzawl District), Sawleng (Darlawn RD Block, Aizawl District) leh West Phaileng (West Phaileng RD Block, Mamit District) te an tel bawh a. He hun hi Lunglei bawrsap pisa atangin Social Welfare, Tribal Affairs, Women & Child Development Minister Pi Lalrinpuii hovin biakhmuhtheih hmangin an chhim a. Pi Lalrinpuii chuan Mizorama EMRS sikul building thar changtlung tak pahnih hawn a ni leh a dang panga sak leh tur lungphum phum a ni chu lawmawm a tih thu a sawi a. EMRS kal tlangin Mizorama tribal zirnite'n zirna kawnga hmasawna tluantling an hmuh a, ram puma lang phaa an intar chhuah theih zel a beisei thu a sawi.

EMRS hi chen chilha zirna (residential school) a nih angin zirnite tan ei leh in, uniform leh zirnaa an mamawh eng kim a thlawn veka pek an nih bakah, national level sports leh cultural activities te neihpui thin an ni a. State dang EMRS-te nen India ram khawpui hmun hrang hrangah hun hman ho thin a n

<><><>

PM VISHWAKARMA

Sorkar laipuiin kut themthiamte leh thilsiam thiamte tanpuina leh khaichhuahna atana a duan, PM Vishwakarma hnuai a Mizorama kum khat chhunga dilna lut tawh zawng zawng chu 2,109 a a ni.

PM Vishwakarma Consultant Pi Betsie K. Vanlalpeki chuan he hmalakna-in a tum ber chu kutthemthiamte thiamna hriatpui a, tanpui a ni ber a ti a. Hetah hian India ram puma kut themthiamte tan trade 18 thlanchhuah a ni a, heng zingah hian Mizoramah trade 3 – mistiri, puanthui leh lumeh thlang an tam ber a. He tanpuina dawng thei te hi kum 18 leh chunglam zawng te an ni ang a, an trade thlante hmanga mahni a eizawng lai an ni tur a ni. PM Vishwakarma chungchanga kan Corr atanga report:-

Heng trade thlang te hian loan chhawng 2 – cheng nuai 1 an dawng phawt ang a, a dawta cheng nuai 2 an dawng thei leh tura ruahman a ni. Loan hi a pung a tlem hle a, za a 5 a ni. Loan la duh te tan hian dahkham tur a awm lo a, basic training an kaltlang erawh a ngai phawt dawn a ni. An training chhung hian ni khatah stipend Rs 500/- an dawng thin bawk ang.

Pi Betsie chuan scheme hi Mizoramah chuan Commerce and Industries Dept a MSME ten an kalpui mek a, a ngaihven duh tan mahni khua a Common Service Centre (CSC) ah te zawhfiah theih reng a ni tih a sawi a, he ruahmanna hi kum 5 chhung, kum 2028 thleng kalpui tur a nih avangin dil duhte tan ngaihven theih reng a nih bakah he scheme chungchang hi inhrilh pung a, a tam thei ang berin tanpuina dawng se tih chu sorkar duhdan a nih thu a sawi bawk a ni.

<><><>

MORTAL REMAINS

Jiribam Manipur a CRPF-te'n an thah ni a sawi an khaw vengtu mi 10-te ruang chu niminah post-mortem zawh tawh ni mah se, vawiin thlengin an chhungte hlawmtir a la ni lo.

Tun thla ni 7 a rawng taka nghaisak hnu a halhlum tak Jiribam district Zairawn khaw mi Pi Zosangkim Hmar ruang hi Jiribam district-ah post-mortem a tih theih loh avang leh Imphal a hlat bawk si avangin district magistrate remtihna-in Silchar Medical College hospital-ah post-mortem examination hi tih a ni a. Chutiang bawkin Jiribam district Jakhradawr khua a an khaw vengtu inpe mi 10 kahhlumte ruang chu Thawhlejni khan Silchar Medical College hospital-ah hian post-mortem tanin, mi 6 ruang endik a nih hnu-ah Manipur Police-te'n Nilaini khan chhuanlam eng eng emaw siamin midang 4 post-mortem hi an remti ta lova. Niminah khan post-mortem hi kalpui lehin chawhnu lamah zawh fel a ni.

Heti chung hian Manipur Police hian mitthi chhungte DNA lak a ngai leh tih chhuanlamin vawiin thlengin ruang hi an chhungte kutah an la hlan ta lova. Thenkhat sawi dan chuan DNA hi an chhuanlam mai mai a ni a, Meitei 6 rukbote nena inthleng an kar avang ni a sawi a ni. Manipur a tlangmi chibil leh pawl hrang hrang insuihkawmna Indigenous Tribal Leaders' Forum (ITLF) chuan an ruang hi an chhungte hnena hlan thuai an phut bakah Mizoram kaltlanga Churachandpur thlenpui ngei an duh a. A bak ruahmanna dang siam an remtih loh thu an sawi.

He mi chungchanga lungawi lova Silchar Medical College ruang dahna pawna Mizo pungkhawmte chuan vawiin khan Cachar district bawrhsap an hmu a. Bawrhsap hian Ministry of Home Affairs thuneitute lo biak a tiam a, a enkawl district huamchhunga buaina chhuak thei pumpelh na'n ruang lakchhuah thuai hi a duh tih a tilang niin Silchar YMA branch hruaitute chuan

an sawi a. Mizoram atanga a hmuna zu kalte pawh Mizoram lama kir leh turin an inbuatsaih mek ni a thudawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

PM INAUGURATES

Prime Minister Narendra Modi-a'n vawiin khan Bhagwan Birsa Munda pianchampha pualin cheng vbch 6,600 chuang hu, hmasawna hna hrang hrang thawhna tur lung, Bihar-a Jamui atangin a phum a, heng project-te hi tribal-te dinhmun chawikanna tur leh thingtlang leh hmun kilkhawra hmasawna ruhrel dinna turte a ni. Birsa Munda pianchampha 150-na pualin Prime Minister hian cheng thir leh lehkha thawna stamp a tlangzarh baw a, PM-JANMAN hnuaia tribal chhungkua-te chenna tur in 11,000 sak hawna, video conferencing atangin a hmanpui baw.

Prime Minister chuan vawiina project hrang hrang ruahmante chu tribal-te dinhmun thlak danglamtu tur a nih thu sawiin chenna in nuai 1 sing 5 sakna tur leh inkalpawhna kawng siamna turte, zirna leh hriselna hmanrua tihchangtlunna turte a ni, a ti a, tribal-te tana zirna tha, eizawna leh hriselna chu NDA sorkar ngaih pawimawh ber a ni, a ti baw.

<><><>